



# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

05 Février 2016 ~  
(25 Rabi'ul Aakhir 1437 Hijri)

**Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « *L'islam et L'Esclavaaz* »:**

Puisseki l'abolition l'esclavaaz couma commémoré ici à Maurice tous les 01 Février, et ki considéré aussi comme ene jour férié fine tombe ene lundi (le 01 Février 2016), donc azordi vendredi le 05 février 2016, mo Khutba pou lor le sujet:

## L'ISLAM ET L'ESCLAVAAZ

L'islam fine aboli l'institution de l'esclavaaz, ki ti établi pendant des milliers d'années. Li seule la religion ki fine abolir sa institution là (l'esclavaaz) par so bane l'enseignements. Aucaine les autre religion pas fine prévoir so abolition. Au contraire, sa institution là fine reconnu au sein de tous bane les autres religions. L'esclavaaz représente ene institution religieuse au sein du Judaïsme et de l'Hindouisme (par exemple, le traitement réservé à bane dimounes ki pas Juifs et aussi le casté-isme – *kot classe bane dimounes par castes supérieurs et inférieurs (dans l'hindouisme)*). Kan à Christianisme, li nék ene branche de Judaïsme et alor l'esclavaaz fine continué être reconnu par bane nations chrétiens pendant plizir siècles. L'abolition l'esclavaaz ti le résultat d'ene avancé dans bane normes de l'éthique et pas ti ena aucaine relation avec ene quelconque enseignement chrétien. L'histoire de l'église chrétienne témoigne bane zefforts ki fine entreprendre dans plizir l'occasions, pour mettre fin à l'esclavaaz. Mais, à chaque fois, c'est l'église même ki ti pé plisse contre mette fin à l'esclavaaz. Le casté-isme hindou fine établi l'esclavaaz tellement ferme et lor tellement ene grand mesure ki l'esclavaaz tout cour ti considéré comme ene bien ki accompagné avec selman ene bien tiguette mal (comparé avec bane les autres mal). Mais l'islam li, li fine aboli l'esclavaaz dans tous so bane formes interdits.

Ena toutefois ene institution ki reconnue par l'islam et ki fine décrire couma ene sorte l'esclavaaz. En fait, sa sorte l'esclavaaz là corresponne à situation de bane prisonniers de guerre. Même si sa kitchose là li ene mal, mais selman li ene conséquence nécessaire de la guerre. Kan deux nations zot en guerre, li inconcevable ki bane prisonniers ki fine capturé ene même zour, zot renvoyé parmi zot bane dimounes/groupe la nuit, kot sa capave par la suite permette sa bane prisonniers là pou ré-renforce bane l'oppositions dans bataille le lendemain. Même dans certains jeux, celui ki fine attraper, li bizin retire li de sa jeu là et pas participé ziska la fin de bane échanges. D'ailleurs li évident ki si li vine illégale pou prend bane prisonniers pendant la guerre, ou ki si li vine obligatoire pou largue/ libère bane prisonniers aussito ki capture zot, alor l'état de guerre pou continié même. Donc, sa zaffaire pou prend prisonniers pendant l'état de guerre li ene telle mal ki vine nécessaire en tant de guerre ; li vine nécessaire pou prend bane prisonniers pou empêche ki la guerre continié et kot sa capave renforce l'adversaire. Mise à part sa disposition là, l'islam pas cautionne aucaine les autre forme d'esclavaaz.

Bane prophètes, de toute évidence, pas ti ena aucaine esclave. Allah dire nous dans Quran Shareef : **« Li pas correcte ki ene prophète prend bane prisonniers avant ki li fine prend part dans ene bataille régulier dans pays là. Ou préfère du bien la terre, mais Allahprefere la vie future (pou ou). Et c'est Allah ki Fort et Sage. »** (An-Anfaal 8: 68)

Li pas permette à aucaine prophète pou fer kik se soit vine so bane esclaves. Et de ce fait, li ti interdit, non seulement au Saint Prophète (saws) pou prend bane esclaves, mais sa directive là ti étendre à tous bane prophètes. Donc sa bane prophètes là, de toute évidence, pas ti ena aucaine esclave. Nous bizin donc conclure ki ni Krishna ou Ramchandra, ni Moïse ou Jésus ti désobéir à sa commandement là et ki tous bane ki dire ki sa bane prophètes là ti ena esclaves, ki attribuer bane telles conduites à bane prophètes d'Allah, alors sa bane kalité dimounes là pas mérite ki nous faire zot confiance.

Le verset ki mo fine cité enseigne nous ki en cas de guerre, kot sa implique bane morts lor ene grande échelle, li permette pou prend bane prisonniers de guerre. Sa indique aussi ki bane tels prisonniers pas pou capave capture zot excepté en temps de guerre entre bane nations ou états, et non pas pendant bane conflits de bane tribus ou conflits familiales. Bane ki désire gagne bane esclaves ou bane prisonniers dans bane situations autres ki mo fine fek mentionner, alors sa bane là zot nék envie gagne bane l'avantages matériels et non pas le plaisir d'Allah. Mais Allah désire ki So bane serviteurs aspire à la vie future. Allah Li Grand et Sage. Sa bane injonctions là, pareil couma tous bane les autres commandements et instructions ki vine de côté d'Allah, zot rempli de sagesse.

L'histoire prouve nous ki tout bane peuples ki fine pratique l'esclavaaz fine ensuite réduire à l'esclavaaz. Si bane musulmans ignore sa bane commandements là et zot alle établir

l'esclavaaz, zot pou, à zot tour, réduire en esclavaaz. L'histoire prouve nous ki tout bane peuples ki fine pratique l'esclavaaz fine ensuite réduire à l'esclavaaz. Bane Abbassides ti encouraaz l'esclavaaz et le résultat ti ki la majorité de bane califes abbassides fine déssane de bane filles-esclaves ; quoi-ki zot par l'apparence libres et indépendants, sa bane madames là ti considérer et traiter couma bane esclaves.

Le mot *Ithkhaan* ki fine servi dans sa verset là pour la guerre veut dire ene la guerre ki suivie d'ene perte innombrable de bane la vies et li exclure l'idée d'ene la guerre tribale ou bane mobilization de l'armée lors bane frontières. Li implique ene la guerre normal entre bane nations ou bane l'états ki organisé. Ene nation ki désire prend le risque pou transforme ene partie de so peuple en prisonniers de guerre bizin, logiquement, évite l'agression. Si li embarque li dans ene agression ki amène vers ene la guerre et vers la perte de bane la vies humaines, alors li pas pou capave protester si certains de zot bane dimoune vine prisonniers de bane parties adverse. Si bane prisonniers capturé au cours d'ene guerre comme définie par bane l'enseignements islamiques, le choix entre deux types de procédures li présenté, comme prescrit par sa verset Quran là : **« Et kan ou zoine bane sans la foi dans bane bataille réguliers, tappe zot lor zot licou. Kan ou fine domine zot et faire zot vine prisonniers, alor soit ou libère zot, ou bien ou prend ene rançon avec zot, ziska la guerre dépose so fardeau (ziska la guerre terminer)... »** (Muhammad 47: 5).

A la fin de la guerre, tous bane prisonniers bizin être libérés par ene acte de pure bonté, ou sois nous bizin obligatoirement négocier zot libération contre ene rançon. Si ene prisonnier li pas libéré volontairement par bane ki fine capture li, alor li bizin reste prisonnier et effectuer ene travail convenable ziska ki (sois li ou ene l'autre dimoune) trouve ene rançon pou payé pou li. Sa traitement là pas capave en aucun cas considéré comme ene abus, parski même de nos jours, bane prisonniers de guerre zot souvent soumis à bane travailles selon zot dispositions, zot capacités.

Li appaite ki l'autorisation ti accordé par le Saint Prophète (saws) pour la libération de tout prisonnier ki fine donne l'assurance, ki fine faire promesse ki zamais zot pou participe dans bane la guerres contre bane musulmans. Ene incident, au temps du Saint Prophète (saws) donne ene l'idée de saki mo pé dire zot là. Pendant bataille Badr, ene dimoune ki appelle Abou Uzzah fine vine prisonnier de bane musulmans. Le Saint Prophète (saws) fine largue li après ki li fine promette ki zamais li pas pou la guerre contre bane musulmans. Mais malheureusement pou li, li fine casse so promesse et la guerre contre bane musulmans pendant bataille Uhud. Et plus tard pendant bataille Hamra Al-Asad, bane musulmans fine capture li comme prisonnier de guerre et cette fois-ci fine exécute li.

De ce fait, bane principes de l'Islam zot bien clairs pour tous bane musulmans et non musulmans. So bane l'enseignements repose lor ene vérité ki vine d'ene Dieu unique et parfait qui guide So bane serviteurs. Bane l'enseignements de l'Islam zot pour tous bane

l'époques. Si azordi bane nations du monde ti prend la peine pou prend en considération la perfection du Livre d'Allah, en l'occurrence, le Quran Shareef, alors tous bane problèmes ti pou résolu, mais pour ki sa démarche vine parfait, bane dimounes ti pou bizin nécessairement gagne la foi en sa Bondié et Créateur unique ki fine donne zot tout saki zot bizin pour ki zot gagne ene meilleure guidance. Et de ce fait, bons nombres de bane mals tels ki l'esclavaaz même moderne ti pou éradiqué.

Ki Allah aide bane nations du monde pou percevoir la véracité de l'Islam et la perfection de So bane l'enseignements. *Insha-Allah, Ameen.*